

民國安次志

陳寶泉題



安次縣志序

邑之有志猶國之有史也史載一代興亡之迹志備一方文獻之徵其建置沿革也地理河渠也名宦人物也古迹藝文也作者執筆而書之俾官於斯者可以攷利弊知民風生於斯者可以公朴陋進文明繼往開來豈非當務之急與安次古漢縣文物甲於畿南自李唐來偉人接踵而出麟麟炳炳焉乾隆中邑侯李公脩志用力甚勤迄今百有餘年矣縣會諸君子思繼其功甲寅仲春公舉比部馬君箸義肩其任敦請鄙人挈其綱固辭不獲已乃獻其一得之愚邑之良士任採訪者雲集響應共襄盛舉收稿既多乃取李志闕者補之冗者刪之略者詳之謬者糾之地理沿革有表焉職官選舉有表焉藝文志分內外兩編則國粹於是保焉箸義藏書數萬卷顯微闡幽心精力果不數月而書成李公有靈應亦嘆後來居上也凡倡脩採訪繕寫捐貲諸君子列名簡端以垂不朽禮亦宜之昔光緒中余曾獨力脩大城縣志節財儉用不立志局今箸義志與余同行所無事豈不快哉箸義表章文獻不遺餘力手輯古燕詩紀一編凡順天府屬自秦漢以至明清無

不載焉主持風雅鼓吹脩明此書一出當不脛而走區區邑志猶其小焉者耳中
華民國三年歲次甲寅四月穀旦古平舒劉鍾英紫山甫撰

安次縣志序

吾邑志書自李明府重纂之後世換滄桑縣議會同人思繼其緒籌公款延訪員今歲仲春公推^琇主編纂之任自揣固陋辭不獲已亟取舊書變通其例詳其略而補其漏粗得大凡就正于劉芷衫師遇有商榷屢承教正敬謹將事閱百日而書成通計十四萬言彙爲一十二卷第一志地理附以金石存目及新政大略其事則增于前矣第二志賦役王德修茂才之所輯也表式從新一目瞭然第三志職官表族姪志恆校訂甚勤第四志選舉編年爲表以符通例第五志名宦前志率尙駢語事蹟全湮今矯其弊取合史裁第六志人物前代鄉賢舊志不無挂漏茲詳加搜輯以彰先獻由鉤稽羣籍補傳者十居其三取裁前志者十之四有清耆舊自乾隆以還悉爲立傳成于芷衫師者約居其半家鵬卿明經間亦分輯餘則^琇所纂也第以邑人承乏殊難衡以國史之例鄉評具在閱者諒之第七志列女悉據採訪冊復取高毓亭茂才寄來趙壽三遺稿得數十人鵬卿分纂甚多第八第九志藝文以邑人著述爲內編起于五代斷自近人附錄撰著書目意在保

存國粹並採有關本邑之文訂爲外編各成二卷第十曰雜記事關本邑足資考證無類可附殿于末篇惜乎庚子之役縣署燬于聯軍案牘大都無存旁摭博拾語焉不詳故賦役職官二志略焉史有闕文古今同慨排纂既竟爰撮其本末如此

中華民國三年甲寅閏五月既望邑人馬鍾琇謹序

吾邑重印縣志屬余校補計校正增補四十六事乙亥夏四月仲瑩校竟記

安次縣志序

邑之有志所以徵文獻端吏治而正民心者也燕南之文獻足徵者莫如安次是邑也於漢隸渤海郡於唐隸幽州范陽郡於宋隸燕山府路歷代偉人間出彪炳史冊久矣歲戊申鑣承乏斯邑如學務警察以及自治制度紛紜繁蹟次第舉行商君所謂難與謀始者靡不備嘗艱苦政事之暇嘗閱前志其忠孝節烈文章技術彰彰在人耳目者更僕難數惜自乾隆以後續修絕響自庚子至今日兵燹滄桑又十五載設再無人載筆一邑之掌故將胥失其傳焉斯誠斷續存亡之交也邑人馬君鍾琇起而任之力不藉於公家友惟集夫同志變通舊志之規模網羅舊聞之放失爲書十四萬餘言高文典冊無不彰潛德幽光無不發擬諸形容則宛斯繹史之根柢貴與通考之模型也志旣成馳書索序鑣雖不敏何敢愆然而不竭其心志乎蓋有地理而後有風俗有文獻而後有人心人心風俗可變而此型方訓俗之文終古不變周禮訓方氏掌四方之政事與其上下之志漢丞相張禹使朱贛條天下風俗班史因之作地理志咸於民質良樸俗尙貞淫三致意焉

誠以人心風俗者天下安危所繫也風俗美民氣固吏治端何憂乎寇亂何畏乎強鄰何恤乎奇技淫巧斯則文獻之觀感有以浹洽之也夫蘭臺柱下之文非不閱且富而一代修史者必采諸稗官私箸則以信史直筆存之斯民也方今國家史館宏開下徵書之令斯志之成適逢其會何其幸歟偉哉乎馬君興起一邑之人才而躋民風於隆古他日久道化成不卜可知矣鑽於斯邑愧鮮樹立竊幸夫官斯邑者奉此編爲治譜端吏治而正民心猶反手耳乃操觚而爲之序

中華民國三年十二月蜀西神泉周如鑽少莪撰

安次縣志序

昔紫陽朱子所至以葺志爲急務誠以文獻無徵後人不能懸擬方策具在曠代猶可相師吾人讀書稽古幸際昇平將潤色鴻猷大其聲以鳴

國家之盛而梓桑恭敬轉使典章文物湮沒無聞不亦羞當世之士耶矧文以載道其爲前人所已及者不可不述所謂有以守之弗敢廢也其爲前人所未及者不敢不增所謂有以啟之弗敢專也甲寅秋余知安次縣事適斯縣志告成馬君箸義楊君馨齋解君蔭周郭君炳寰諸紳寄書來閱乞一言以弁諸簡公餘稍暇次第披覽舉夫山川風俗建置沿革以及地理河渠名宦文藝諸大端罔弗畢備而人物之盛爲直省所僅見自呂正惠公而下歷歷可數已足動人景慕若忠烈節義之事其炳燦千秋者指不勝屈當其舍生取義奮不顧身雖古之志士仁人何以加諸使無有操彰瘡之權秉陽秋之筆大書特書光昭志乘歷年既久必幾歸於湮沒不彰亦士大夫之責也雖然託孤寄命臨大節而不可奪者君子也是必有人焉奮乎百世之上興起乎百世之下足以磨世礪俗相維持於不敝者則

大城劉君紫山邑人馬君箸義分任纂修又得合邑諸君共襄輔助歷五閱月而志竟成此固合邑之幸亦賴諸君數典不忘有以致之也爰贅數語置諸簡端以誌不忘云是爲序

中華民國三年十月知安次縣事貴州貴陽熊濟熙謹序

中華民國三年安次縣修志在事諸人姓氏

倡修

參事會員歲貢生	楊毓棻	參事會員庠生	陳毓琦
參事會員庠生	王致誠	參事會員庠生	孫玉輝
議事會議員庠生	郭鴻文	議事會員武生	曹克儉
議事會員庠生	馬鍾琇	議事會員庠生	馬元煦
議事會員庠生	高蔭榮	議事會員庠生	邵祖訓
議事會員庠生	于家訓	議事會員庠生	李文林
議事會員庠生	解錫樾	議事會員庠生	孟景山
議事會員庠生	王雙全	議事會員庠生	張海山
議事會員庠生	汪樹珩	議事會員庠生	張慶祥
議事會員庠生	邢奉璋	議事會員庠生	張匯泉
議事會員庠生	王金	議事會員庠生	劉體貞

總纂

光緒乙酉科拔貢生大城劉鍾英

前法部制勘司主事邑人馬鍾琇

分纂

恩貢生馬鴻翱

邑庠生王耀成

收掌

邑庠生李樹銘

採訪

邑庠生邵憲倫前大挑知縣舉人黃萬榮

前安州學正舉人張廷鈺前候選知縣舉人曹克祇

前候選教諭舉人馬元熙前潮州鹽大使舉人信書年

邑庠生張廷襄邑庠生謝藻

師範生	高等小學畢業生	庠生	邑生	邑生	邑生	貢生	歲貢	邑生	邑生	邑生	邑生	楊世昌	劉仙舫
郭鴻達	馬元烈	曹金楹	解錫鎮	崔步瀛	宋湛霖	馬鍾琦	李福謙	馬立羣	石長瀛	周玉堂			
邑	邑	郡		邑			邑	孝廉方正		廩	邑		
庠生	庠生	庠生		庠生			庠生	庠生			庠生		
謝振鏞	彭九卿	強潭	宗子光	楊縉雲	倪碩甫	解錫田	劉光鑑	王開文	孫書帶	楊雲臺	王祖植	婁佐梅	

師	廩	邑	邑	邑	貢	邑	邑	邑	邑
範	庠	庠	庠	庠	庠	庠	庠	庠	庠
生	生	生	生	生	生	生	生	生	生
張培薌	張崙	于召勛	徐成愷	馬樹和	盧永第	孫繩武	于明哲	孟景雲	王化興
張培薌	張崙	于召勛	徐成愷	馬樹和	盧永第	孫繩武	于明哲	孟景雲	王化興
邑	邑	邑	邑	邑	邑	邑	邑	邑	邑
庠	庠	庠	庠	庠	庠	庠	庠	庠	庠
生	生	生	生	生	生	生	生	生	生
解光煜	崔傳禮	郭爲翰	王廷獻	扈天錫	張有容	謝恩溥	王雨亭	馬元熾	田寶蘭
解光煜	崔傳禮	郭爲翰	王廷獻	扈天錫	張有容	謝恩溥	王雨亭	馬元熾	田寶蘭
邑	邑	邑	邑	邑	邑	邑	邑	邑	邑
庠	庠	庠	庠	庠	庠	庠	庠	庠	庠
生	生	生	生	生	生	生	生	生	生
岳謙	董連秀	杜永清	田寶蘭	馬元熾	王雨亭	謝恩溥	王雨亭	馬元熾	田寶蘭
岳謙	董連秀	杜永清	田寶蘭	馬元熾	王雨亭	謝恩溥	王雨亭	馬元熾	田寶蘭

邑庠生孫家彥

邑庠生曹鏡如

膳錄邑庠生馬驊


高等小學畢業生馬丕敬

高等小學畢業生馬志恆

繪圖

高等小學畢業生王澤清

高等小學畢業生馬元悌



安次縣志凡例十則

一東安縣今年復古名安次縣爰繪新圖置諸卷首惜乎縣城失於修葺縣署毀於聯軍舊所載解字十不存一今撮其大略以俟修明若文廟祀典通國一體非一縣所專茲不備載

一文武官員歷任年分多不可考姑爲闕之惟已故者錄其德政六房案卷悉遭兵燹修志者無所憑依閱者慎勿譏其挂漏也

一人物志自唐以來偉人接踵而出舊志失載甚多蓋無書可考耳今徧閱祕書凡可傳者皆爲補入發潛德之幽光存歷朝之文獻淑身淑世何快如之凡現存者不錄

一桑乾河遷徙無常今據永定河志詳考其潰決修築諸事繪爲新圖並載李公諸論以備河防一覽而以鳳河龍河啞吧河減河附焉其餘古河古堤歲久淤平者皆歸諸古跡而以古坊古墓古橋梁古市集附焉

一史記立表法最簡明今遵其例地理沿革賦役職官選舉皆立表一覽無遺

新增村莊百餘錄之以見生聚之盛也各村新立學校爲造士基礎錄之以俟德化之成也若僧寺道觀併入古跡不在此例

一舊志分門太多如忠孝節義一人分置數處名宦亦屬乎其間列女又分節婦烈婦孝婦貞女諸目古史有此例乎今歸劃一以省複沓

一舊志立傳者多以駢麗膚辭了事事迹全堙不可爲法今盡以史筆行之使古人鬚眉畢現又八景詩純構虛詞最爲陋習今一概刪去自此之後永斷來章

一名臣奏議關係國家治亂嘉謀碩畫備載無遺金石之文墓志墓表及諸碑記之佳者亦並錄之爲存古也詩古文辭乃一邑精華所萃今分內外兩編內爲主外爲客附以邑人撰著存目一篇以視前志較爲明晰

一邑人有以詩文稿郵寄志局者必甄別而後錄不能每人而悅之也他邑以稟帖等件爲古文者摭入志中傳爲笑柄直言無隱識者諒之

一瑣事異聞無類可入者歸諸雜記以資考證惟編者見聞未廣不無罅漏所